

Ragnar Ásgeirsson.

Mér virðist svo sem menn hafi varla veitt því nægilega eftirtekt, hversu skemmtilegur og mikilsverður rithöfundur Ragnar Ásgeirsson er. Hann er orðinn einn af fremstu Íslandsfræðingum á sínu sviði, og eigum vér honum að þakka margan mikilsverðan fróðleik um landið og þjóðina, einkum búandfólkið, sem hann þekkir flestum fleira og betur. Og svo hefir hann það líka til að skrifa skemmtilega um útlönd, eins og greinar hans um dvöl og ferðir í Danmörku og Noregi sýna.

Þessar ritgerðir Ragnars Ásgeirssonar, sem eg á við, eru vissulega þess verðar, að þeim væri safnað í bók, og eru linur þessar ritaðar til þess að stuðla að því, ef verða mætti, að svo yrði gert.

14. sept.

Helgi Pjeturs.